

Gvangjsih Minzczu Bau

ganhhau: CN45-0036 B.2019 Nd.9 Ng.11 liggaueq geijhah nienz ndwenbet cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3391期

Gaiq Daihcib'it Daengx Guek Siujsoq Minzczu Cienz- doengj Dijyuz Yindungvei Youq Cwngcouh Haimuq

Bonjbauq siusik (gicej Cau Dwzfeih Liengz Cingz) Ndwen 9 ngoenz 8 banhaemh, Cunghvaz Yinzminz Gunghozgoz Gaiq Daihcib'it Siujsoq Minzczu Cienzdoengj Dijyuz Yindungvei haimuqsik youq Hoznanz Swngj Cwngcouh Si Aulinz Bizgwz Dijyuz Cungsim cingqsik haidaiz. Gvangjsih Daibyauidonz youq aen haimuqsik laebdaeb ca mbouj geijlai song aen cungdaez neix biujyienj ndeiawj, hawj vunz nanzlumz, gwnz haimuqsik, 34 aen daibyauidonz haeujciengz ndeiawj caeuq 56 aen minzczu biujyienj miz daegsaek, yienhciegz nauhyied dangqmaz. Ndawde Gvangjsih Daibyauidonz youq mwh haeujciengz biujyienj minzczu, biujyienj gofoux caeuq siujsoq minzczu daibyaui caezcaemh diemjdawz bogfeiz caen yinx dahraix, hawj vunz yawj dwk lwdga cungj mbouj yaep.

Gaiq daengx guek minzczu yindungvei neix haimuqsik faen baenz bien gwnz bien laj. Bien gwnz dwg 34 aen daibyauidonz baizdoi haeujciengz, caemhcaiq dingz youq 30 miux biujyienj cezmuz miz minzczu daegsaek. Dangguh aen donzdui daihnduj haeujciengz, Gvangjsih Daibyauidonz cingsaenz gvaekgvaek okdaej ndaej daengz bouxyawj yienhciegz dopfwngz haenh, biujyienj 30 miux aennyenz caeuq aen dingzdingj miz daegsaek le, yienhciegz bouxyawj youh dopfwngz roebroeb haenh gyoengqde. Haimuqsik bien laj yienjheiq faen baenz 《Danqhaenh Cunghvaz》《Hoznanz Ok Yiengh》caeuq 《Gotumj Siengmuengh》sam bien. Cawz langhbaij gij lizsij vwnzva ronghlwenq caeuq yienghsiengq cingsaenz gvaekgvaek Cwngcouh le, gak minzczu beixnuengx fwngz doxcing, yienj minzczu doxgiet haengguh, doengh gij ciengzmienh biujyienj caezcaemh haengguh baenaj hawj vunz gikdoengh.

Cit heiq ceiq hawj vunz gamjdoengh haenx dwg beixnuengx 56 aenz minzczu fwngz gop raemx mbanjranz, caemhcaez ungganq gofaex caemhrag Cunghvaz. Gomaksigloux sangvid cangqcoek haenx dawzmak nuengjrumx, beixnuengx gak cuz hopheux



▲Angqhoh hoihhoengh minzczu, angqcoux caetcih hopbi.

humxyongx, beijlumj 56 aen minzczu caez couq Cunghvaz minzczu gungdungzdi, gak cuz beixnuengx lumj cehmak maksigloux nei doxgot ndaet-fwdfwd.

Vwnzyi biujyienj sat le, bogfeiz yindungvei gaiq neix youq gyoengq bous yindungyenz mizmingz haenx doxciep lajde bae daengz laj dapbogfeiz, diemjdawz aen dapbogfeiz rog ciengz dawz foengxoo, sing angq hemq sing dopfwngz ndaw ciengz riengzdwk yiengj gyokgyadgyad.

Daengx guek minzczu yindungvei dwg aen ciethoengh lwgminz gak minzczu doxcomz, engq dwg aen daizheiq langhbaij biujyienj gak minzczu diyjuz

vwnzva. Youq mwh haimuqsik, Gvangjsih Daibyauidonz yungh gij cingsaenz ndei, buhvaq minzczu gyaqciq, biujyienj ndeiawj langhbaij le lwgminz Mbanjcuengh lauxsaed gyaunde i caemhcaiq doxgiet haengguh. Ciuq cam rox, gaiq siujsoq minzczu yindungvei neix, Gvangjsih gungh baij 451 vunz bae Cwngcouh, dwg gak gaiq daengx guek minzczu yindungvei ndawde caeuqfaenh vunz, caeuqfaenh hanghmoeg doxdax ceiq lai ndeu, caeuqfaenh 13 aen hanghmoeg doxdax caeuq 8 aen hanghmoeg biujyienj, ceng'aeu youq mwh doxdax ndaej cingzcik ndei, soengqlaex hawj Cungguek moq laebbaenz 70 hopbi.

Yungzsuij Gaenx Guh Hong Cauxlaeb Guhyiengh Minzczu Doxgiet Cinbu

Yungzsuij Myauzczu Swciyen liuqcinj gij hong “Cunghvaz minzczu ranz vunz ndeu, caezsim caemh guh loqsiengj Cungguek”, hopheux “aen cungsim ndeu” giengzvaq “sam hangh cosih”, saedbauj gij gietdingh anbaiz hong cauxlaeb minzczu doxgiet cinbu swcigih caeuq Liujcouh Si ndaej guh daengz giz saed, vunzlai ndaej leih-ik, comz rengz gapguh, youq Yungzsuij guhbaenz cungj gvaenghheiq ndei doengzcaez yawjnaek, haeujcoengh caeuq caeuqfaenh hong cauxlaeb ndeu.

Yungzsuij youq ndaw hozdung cauxlaeb minzczu doxgiet cinbu, cawjdoengh ceng'aeu cwngcwz cauxlaeb caeuq cienzngaenz cauxlaeb,

gyagiengz caeuq mizgven ciknaengz bouhmonz boiqhab ndei, dawz hong cauxlaeb caeuq gij hong yanghcin bonjfaenh, bouhmonz bonjfaenh giet-hab ndaetfwd, doidoengh hong cauxlaeb swnhleix haiguh.

Yungzsuij daj guh hong cauxlaeb gvaqdaej, yungh ndei gak cungj hongdawz senhconz, bae minzczu yanghcin, cunhmbanj caeuq gihgvanh, hagdangz guh senhconz hozdung 50 lai ciengz baez, laeb lanz senhconz diegdingh 26 aen, venj byauhyij senhconz diegdingh 90 lai diuz, fat ok senhconz swhliu 2 fanh lai faenh, caeuqfaenh vunzlai 6 fanh lai vunz baez, ciepsouh vunzlai cazcam 19 loih 230 lai diuz, caux ok cungj

gvaenghheiq ndei gak minzczu doxgiet huzndei ndeu.

Yungzsuij gonqlaeng youq Gunjbei Duncuz Yangh, Swyungz Yangh daengj yanghcin guh hong cauxlaeb guhyiengh minzczu doxgiet cinbu, haenqrengz senj laeb senhcin guhyiengh denjhingz, gonqlaeng cauxlaeb swcigih gaep minzczu doxgiet cinbu guhyiengh danhvei 1 aen, Liujcouh Si gaep guhyiengh danhvei 8 aen caeuq yienh gaep guhyiengh diemj 20 aen, ndaej engq demgiengz minzczu caeuq minzczu doxgiet doxbang, doxgyau doxhab.

Yungzsuij gaenxmaenx guh ndei hong baujhoh cingjleix cimhra vwnzva cienzdoengj ndawbiengz minzczu,

soucomz cingjleix biensij oksaw le 《Yungzsuij Minzczu Fungcingz》《Yungzsuij Minzczu Sibsug Comzbien》《Yungzsuij Bak Ciet》daengj saw. Doengzseiz gyarengz guh “song vah” son'gyauq, gonqlaeng son'gyauq vahcoj minzczu vunznoix caeuq Vahgun 4 geiz gungh 800 lai vunz baez; giethab saedcaeq son'gyauq minzczu vunznoix seujsiuq, dajdoq, lijyouz, dajcawj daengj 5 geiz 300 lai vunzbaez; moix bi ndwencieng banh Myauzczu “ciet hoihbo” 20 lai ciengz baez, ndaej engq ndei swnjciengz caeuq baujhoh vwnzva cienzdoengj minzczu.

(Cinz Cunghdwz Veiz Yungz-cinh/陈忠德 韦荣春)